

БАНК АХБОРОТНОМАСИ

БАНК ХОДИМЛАРИ ВА ТАДБИРКОРЛАРНИНГ ҲАФТАЛИК НАШРИ

№ 9 (1188) 2019 йил 28 февраль

1995 йил январдан бошлаб нашр этилмоқда

ISSN 2010-6602

@bank_axborotnomasi

Сайтимизга ўтиш учун QR кодни телефонингиз орқали сканер қилинг



“НУМО” “UZCARD” га рақобатчи бўла оладими?

Бугунги ахборот асрида аҳолини ишончли ахборотлар билан таъминлаш ҳар қачонгидан муҳим аҳамият касб этмоқда. Бу жараёнда маълумотлар ҳаққонийлигини аниқлаш журналистларнинг вазифаси бўлса-да, аммо айрим соҳа вакиллари ахборотнинг ҳаққонийлиги эмас, балки унинг шов-шувлиги қизиқтирмоқда.



Натижада нотўғри маълумотларни кенг оммага эълон қилиш ҳолатлари кузатишмоқда. Айниқса, банк соҳасига алоқадар хабарлар. Бу эса аҳоли ўртасида турли тушунмовчиликларнинг келиб чиқишига сабаб бўлаётир.

Ўзбекистон Республикаси Марказий банки шу каби ҳолатларнинг олдини олиш ҳамда журналистларнинг молиявий саводхонлигини ошириш мақсадида доимий равишда ўқув-семинарлари ташкил этиб келмоқда. “Ипотека-банк” АТИБда бўлиб ўтган навбатдаги семинар ҳам банклар фаолиятида муҳим бўлган тўлов тизимлари ва пул

муомаласига бағишланди. Семинарда мавзулар юзасидан Марказий банк департамент директорларининг маърузалари тингланди.

Жумладан, Марказий банк Ахборотлаштириш Бош маркази таркибидаги Миллий банклараро процессинг маркази директори Шухрат Қурбонов янги Нумо тўлов тизимининг имкониятлари ҳақида батафсил маълумот берди.

— Шу кунгача фақатгина ягона Uzcard тўлов тизими фаолият юритган бўлса, жорий йилнинг Наврўз байрами арафасида Нумо тўлов тизими ҳам ишга тушиши режалаштирилган.

(Давоми 2-саҳифада)

Янги лойиҳаларнинг “кредит супермаркети”

Сир эмаски, айни кунларда мамлакатимизда қатор иқтисодий ислохотлар билан бирга хорижлик инвесторлар эътиборини юртимизга қаратиш, уларнинг фаол сармоялари орқали чекка ва олис ҳудудларимизни ҳам ишлаб чиқариш марказларига айлантириш борасида ўзига хос сиёсат юритилмоқда.



Хорижий инвесторлар, корхоналар, ташкилотлар томонидан улкан инвестиция лойиҳаларининг амалга оширилиши натижасида эса юртимизда кўплаб янги иш

ўринлари вужудга келади, замонавий билимларни ўрганиш, янги ғоя ва ишланмаларни ўзлаштириш ва барча соҳаларга ноу-хауларни татбиқ этган ҳолда ишлаб

чиқариш самарадорлигини оширишга эришилади. Шулардан келиб чиқиб, хорижий ва маҳаллий инвесторларга янада қулайлик яратиш мақсадида Президентимиз Инвестиция марказларини ташкил этиш ташаббусини илгари сурган эди. Бунга жавобан Ўзбекистон Республикаси Президенти Администрацияси ҳамда Марказий банки томонидан Тижорат банкларининг 2019 йилда инвестиция фаолиятини жадаллаштиришга қаратилган “Йўл харитаси” тасдиқланди. Мазкур “Йўл харитаси”га биноан эса тижорат банклари Инвестиция марказларини ташкил этишга киришди. Жумладан, “Ўзсаноатқурилишбанк” ҳам Ўзбекистон Республикаси Инвестициялар ва ташқи савдо вазирлиги ҳамда Тошкент шаҳар ҳокимлиги билан ҳамкорликда пойтахтимизда Инвестиция фаолиятини мувофиқлаштириш ва лойиҳаларни бошқариш марказини ишга туширди.

(Давоми 5-саҳифада)

Қисқа хабарлар

“ЎЗМИЛЛИЙБАНК” ўз расмий сайтыда жорий йилнинг 1 мартдан “Online bank” тизимининг “NBU Zarplatiy royeekt” модули ишлаши тўхтатилишини маълум қилди. Шу муносабат билан мазкур модулдан фойдаланиб келатган мижозларини 1 мартга қадар “1 BANK” — интернет банкинг хизматига уланишини тавсия қилмоқда.

“1 BANK” хизмати орқали мижозлар турли банк операцияларини амалга оширишлари мумкин, жумладан,



иш ҳақи электрон ведомостларини банкка йўллаш ва корпоратив ҳисобрақамларни тўлдириш имконияти мавжуд. Ушбу хизматга уланиш, ундан фойдаланиш ва электрон калитни олиш белул амалга оширилади.

AGROBANK

“Агробанк” пахта хомашёсини етиштирувчиларга томчилатиб суғориш технологиясидан фойдаланишни кенг йўлга қўйиш учун кредитлар тақдим этмоқда.

Кредит миқдори мижоз томонидан тақдим этилган бизнес режа ва товар моддий

бойликларнинг олди-сотди шартномаси суммаси миқдорига (1 гектар ер майдони учун 15-20 млн. сўм атрофида) қараб белгиланади. Муддати эса 3 йилгача, 6 ойлик имтиёзли давр билан берилди. Кредит мижоз томонидан тақдим қилинган бизнес режага асосан кредитни тўлиқ қоплаш давридан келиб чиқиб, 3 йилдан ортиқ муддатга ҳам берилши мумкин.

“ИНФИНБАНК” 18 февралдан бошлаб мижозлари учун янги VISA Platinum халқаро пластик картасини очишни таклиф этмоқда. Мазкур картани очтириш 50 минг сўм бўлиб, ундаги суғурта депозити 100 АҚШ долларини ташкил этади. Картанинг ойлик хизмат ҳақи ва картадаги маблағни “Инфинбанк” банкматлари орқали нақдлаштириш мутлақо белул. Бошқа банк филиаллари ёки банкматларидан нақд пуд ечиб олиш эса транзакция суммасининг 1 фоизи(мини-



мум 2 АҚШ доллари)га тенг. Карта орқали товар ва хизматлар учун тўловни амалга ошириш транзакция суммасининг 0,5 фоизини ташкил этади.

Интернет орқали карта ҳисобини текшириш ёки “СМС хабарномаси”дан фойдаланиш ва мижоз аризаси бўйича картани ёптириш ҳам мутлақо белул.



“ASIA ALLIANCE BANK” мамлакатимизда илк бор автоматлаштирилган депозит машинаси (АДМ)ни жорий этди. Ушбу ускуна банк ҳисоб варақларига нақд пул маблағларини қабул қилишда ва

кирим қилиш жараёнларини автоматик тарзда ўтказиш имконини яратади.

АДМ бу маблағларни автоматик тарзда қабул қилиш, асслигини текшириш, қайта ҳисоблаш ва катта миқдордаги пулни сақлаш учун мўлжалланган замонавий ускуна бўлиб, у мижозларга катта миқдордаги нақд пулни йиғиш ва текшириш жараёни тез, хавфсиз ва иқтисодий жиҳатдан самарали амалга ошириш имконини беради.

УШБУ СОНДА

ЭЛ СОҒЛИГИ –
ЮРТ БОЙЛИГИ

4

“ТУРОНБАНК”
ТОМОНИДАН ЎТКАЗИЛГАН
АКЦИЯ ҒОЛИБЛАРИ
ТАҚДИРЛАНДИ

5

ДЕПРЕССИЯ ЖАҲОН
ИҚТИСОДИЁТИНИ
ЎЛДИРЯПТИ(МИ?)

8

“НУМО” “UZCARD” га рақобатчи бўла оладими?



(Бошланиш 1-саҳифада)

Эндиликда аҳоли иккита тўлов тизимидан фойдаланиш имкониятига эга бўлади. Бу ўз навбатида, тизимлар ўртасида яхшигина рақобатни вужудга келтириб, унинг ривожига ҳам хизмат қилади.

Ҳозирги кунда тўлов тизимидаги 200 мингдан ортиқ терминалу 17 млн. карталар Ягона умумреспублика процессинг марказига уланган. Бу ерда банкларнинг ҳеч қандай роли йўқ. Агар марказда бирор муаммо бўлса, банк ҳам, мижоз ҳам операцияларни амалга ошира олмайдди. Янги жорий этилаётган Миллий банклараро процессинг марказида эса бу амалиётларнинг барчаси банкларнинг ўзига берилиши режалаштирилган. Яъни, янги терминаллар ҳам, карталар ҳам

бевосита банкларнинг ўзида улашиб, мижозлар картаси билан боғлиқ муаммоларни ҳам банклар ҳал этаверади. Шу билан бирга, карта ва терминалларни сотиб олиш ва амалиётга жорий этиш ишлари банклар ихтиёрига берилмоқда.

Айни кунда янги карта ва замонавий мобил терминалларни амалиётга киритиш бўйича ҳам қатор ишлар олиб борилмоқда. Дастлабки босқичда бу тизим лойтахтизмизни, йил охирига қадар республикаимизни қамраб олиши режалаштирилган. Бунинг учун икки юз мингдан ортиқ халқаро карталарга хизмат қилувчи терминаллар ва мингдан зиёд банкоматлар ўрнатилади.

Мазкур тизим карталари мустақамлиги ва хавфсизлиги таъминлангани билан ажралиб туради. Қо-

лаверса, унинг таннархи ҳам ҳозирги карталарга қараганда икки баробар арзон. Энг асосийси, у орқали тўловларни амалга ошириш жуда қулай. Амалдаги карта ва терминалларда тўловлар контакт, яъни терминал билан карта тўғридан-тўғри алоқа орқали амалга оширилса, Нумо карталарида алоқасиз, яъни терминалга карта чипини теккизиш орқали бир-икки сонияда тўлов амалга оширилади. Бир марталик тўловлар учун карта пин-коддини ёзишга ҳожат ҳам қолмайди. Яъни, кунлик тўловларда, масалан жамоат транспортдан фойдаланганда картага бир марталик тўлов киритиб қўйилса, карта пин-коддини ёзмасдан осонгина тўлов қилиш имконияти мавжуд.

Янгиликлардан яна бири шуки, эндиликда савдо шохобчаларидаги кассаларда мижозлар ўзларининг пин-коддини киритиб, тўловни амалга оширишлари учун алоҳида клавиатуралар ўрнатилади. Бу харидор учун ҳам, сотувчи учун ҳам қулай бўлиб, вақтни тежаш билан бирга карта хавфсизлигини ҳам таъминлайди. Ҳозиргидек “Пин-кодингизни айтинг” деган сўрвалар бўлмайди.

Шунингдек, семинар давомида Ўзбекистон Республикаси Марказий банки пул муомаласи департаменти директори Фазиладдин Бозоров Марказий банк томонидан пул муомаласи бўйича олиб борилаётган чора-тадбирлар ҳақида сўз юритди.

Маълумки, жорий йилнинг 25 февралдан республикаимизда 100 минг сўмлик янги купюра муомалага киритилди. Бу эса аҳоли ўртасида турли гап-сўзларнинг, хавотирларнинг урчишига сабаб бўлди. Бу ҳақида мутахассис куйидагиларни баён қилди:

– 100 минг сўмлик купюраларнинг муомалага чиқарилиши ҳеч қандай инфляция жараёнларида таъсир қил-

майди. Аксинча, инфляцияни пасайтиришга хизмат қилади.

Янги купюранинг асосий вазифаси биринчи навбатда нақд пул билан ҳисоб-китоб қилишда қулайлик яратишдан иборат. Маълумки, аҳоли автомобиль, мебель, маиший техника сингари юқори қийматдаги маҳсулотларни харид қилишда ҳозирги майда купюраларда айрим ноқулайликларга дуч келади. Мазкур йирик банкнота эса бу ноқулайликларга барҳам беради. Бундан ташқари, майда пулларни ҳисоблашдаги қийинчиликлар ҳам камаяди, ойлик маошлар, пенсия ва нафақаларни тарқатиш соддалашади. Нақд пулларни қиришиш, уларни ташиш ва сақлаш учун сарфланадиган харажатлар сезиларли даражада камайиб, аҳолига банкоматлар орқали хизмат кўрсатиш самарадорлиги ҳам ошади.

Шуни алоҳида қайд этиш керакки, сўнгги йилларда миллий валютанинг ўзининг жамғарма сифатидаги функциясини йўқотаётгандек эди. Кўпчилик учун валюта жамғариш одат тусига кирди. Бироқ тизимдаги йирик ислоҳотлар натижасида миллий сўмимизга бўлган муносабат ижобий томонга ўзгарди. Буни миллий валютадаги омонатлар ҳажми ўсиб бораётганидан билиш мумкин. Янги банкнота ҳам ана шу жамғариш функцияни қайта тиклашга ҳам ёрдам бериши тайин.

Таъкидлаш жоизки, мазкур 100 минг сўмликнинг амалиётга киритилиши муомаладаги умумий пул массасининг ошишига олиб келмайди. Фақат пул массасининг тузилиши ўзгаради, ҳолос. 100, 200 ва 500 сўмлик майда пуллар аста-секин муомаладан чиқарилиб, танга билан алмаштирилади. Бу ҳам аҳоли учун яна бир қулайлик ҳисобланади.

Бобур МУҲАММАДИЕВ

Яқинда “Трастбанк” хусусий акциядорлик банки Бош офисида “Fair-Tax” масъулияти чекланган жамияти ҳамда банкнинг Бухгалтерия ҳисоби ва ҳисоботи департаменти билан ҳамкорликда “Солиққа тортиш ва 2019 йилда солиқ қонунчилигига киритилган ўзгаришлар” мавзусида амалий семинар бўлиб ўтди. Унда “Fair-Tax” масъулияти чекланган жамияти ҳуқуқий маслаҳатчилари, банк ходимлари ва мижозлари иштирок этди.

Солиқ ислоҳотлари “Трастбанк” нигоҳида

Айтиш жоизки, Халқаро валюта жамғармаси, Жаҳон банки ва халқаро эксперт ташилотлар экспертлари тавсиялари ҳамда ривожланган мамлакатлар тажрибаси талабларига мувофиқ қабул қилинган янги солиқ концепциясида бизнес ривож учун қатор имкониятлар яратилган.

Шу мақсадда семинар аввалида иштирокчиларга ҳуқуқий маслаҳатчи Алла Маскаленко томонидан электрон ҳисоботлар, соддалаштирилган ва қисқартirilган солиқ ҳисоботлари, статистик ҳисоботларнинг айрим шакллари, шакллантирилган трансфер нархлар бўйича солиқ солиш тартиби, ҳар ойда тўланадиган компенсация тўловларини тўлаш учун электрон буюртмаларни тўлдирishi амалиётлари юзага келадиган масалалар юзасидан кенг тушунтириш бериб ўтилди. Хусусан, семинар давомида банк ва корхона ҳисоб-

чиларининг профессионал билим даражасини янада ошириш мақсадида бухгалтерия ҳисобини шакллантириш, молиявий ҳисоботларни тайёрлаш, солиқ ҳисобини юритиш ва уларни текшириш масалаларига алоҳида тўхталиб ўтилди.

Бинобарин, солиқ тўловчиларнинг айланма маблағларини (даромадларини) оптималлаштириш билан бир қаторда ўрнатилган ва соддалаштирилган солиқ режасига ўтиш, шунингдек, соддалаштирилган солиқ режасига ўтиш мезонлари батафсил кўриб чиқилди ва ўрганилди.

Тадбир давомида ҳуқуқий консультантлар томонидан иштирокчиларга амалий тавсиялар берилиб, солиқ соҳасидаги муҳим масалалар муҳокама этилди. Семинар иштирокчилари ўзларини қизиқтирган барча саволларига жавоб олиш имконига эга бўлдилар.

finance.uz

Аниқ мақсадлар сари илдам қадам

Президентимизнинг 2018 йил 23 мартдаги ПҚ-3620-сонли “Банк хизматлари оммабоплигини ошириш бўйича қўшимча чора-тадбирлар тўғрисида”ги қарори ижроси доирасида “Ўзмилийбанк” Фарғона бўлими мамлакатимиз миллий иқтисодиёти ривожланишининг янги босқичида амалга оширилаётган ислоҳотлар жараёнида олдига қўйилган мақсад ва вазифаларини, ривожланиш стратегиясини тубдан қайта кўриб чиқиб, муҳим йўналишларни белгилаб олди.

Бу жараёнда банк томонидан молиявий очиқлик ва савдо-хонлик, жозибатор инновацион банк хизматларига алоҳида эътибор қаратилиб, банк томонидан сифатли ва юқори хизмат кўрсатишда “мижоз барча жараёнлар марказида” тамойили асосида фаолият юритилмоқда.

Шунингдек, жорий йил давомида банкнинг барча бўлими ва филиалларида хизмат кўрсатиш сифатини аниқловчи индексларни ишлаб чиқишда, халқаро банк-молия бозори амалиётларида қўлланилаётган “Sale’s Game” синов лойиҳаси доирасида, яъни KPI (самарадорлик кўрсаткичлари), CSI, NPS кўрсаткичларини жорий қилиш режалаштирилган.

“Ўзмилийбанк”нинг 2019-2020 йилларда молиявий соғломлаштириш бўйича “йўл харитаси”да, яъни 2019



йил 1 январь ҳолатига кўра, жами мижозлар сони 251 674 та бўлиб, келгуси йил 1 январь ҳолатига мижозлар сонини 302 мингтага етказиш, банк активларида қўйлаётган ўзгаришлар эса 2019 йил 1 январь ҳолатига банкнинг жами активларини 1 026 млрд. сўмдан 2020 йил 1 январь ҳолатига 1 231 млрд. сўмга ошириш, шундан, кредит қўйилмалари улушини 2019 йил 1 январь ҳолатига 749,1 млн. сўмдан, 2020 йил 1 январь ҳолатига 898,9 млн. сўмга ошириш кўзда тутилган. Бунинг учун айни кунда изчил саъй-ҳаракатлар олиб борилмоқда.

Қолаверса, банк фаолиятида муҳим бўлган депозитлар салмоғини ошириш борасида ҳам аниқ режалар ишлаб чиқилган бўлиб, мажбуриятлар таркибидеги депозитлар салмоғини 2019 йил 1 январь ҳолатига

162 1 млн. сўмдан 2020 йил 1 январь ҳолатига 202,6 млн. сўмга етказиш режалаштирилган, шундан узоқ муддатли депозитлар улушини 37 %га олиб чиқиш режалаштирилган.

Шунингдек, банк фаолиятида рақамли трансформацияни амалга ошириш, янги банк маҳсулотларини ва онлайн (масофавий) банк хизматларини кенг қўллаш, молия бозорига кадрлар етказиб берувчи таълим муассасалари билан яқиндан ҳамкорлик ўрнатиш, ходимлар малакасини оширишда IT технологияларидан фойдаланган ҳолда ходимлар билимини ошириб бориш банкнинг кундалик иш режасига айланган.

Шоҳиджон ҲАЙДАРОВ,
“Ўзмилийбанк” Фарғона бўлими бошқарувчиси
Ўринбосари, Амалиёт бошқармаси бошлиғи

ЎЗБЕКИСТОН RESPUBLIKASI МАРКАЗИЙ БАНКИ БОШҚАРУВИНИНГ ҚАРОРИ

ТИЖОРАТ БАНКЛАРИГА ЖИСМОНИЙ ШАХСЛАРДАН НАҚД ЧЕТ ЭЛ ВАЛЮТАСИНИ СОТИБ ОЛИШ УЧУН МАРКАЗИЙ БАНК ТОМОНИДАН МАДАД ПУЛЛАРИ БЕРИШ ТАРТИБИ ТЎҒРИСИДАГИ НИЗОМГА ЎЗГАРТИРИШЛАР КИРИТИШ ҲАҚИДА
Ўзбекистон Республикаси Адлия вазирлиги томонидан 2019 йил 8 январда 2912-1 сонли рақам билан рўйхатдан ўтказилди.

Ўзбекистон Республикасининг «Ўзбекистон Республикасининг Марказий банки тўғрисида»ги Қонуни ва Ўзбекистон Республикаси Президентининг 2018 йил 9 январдаги ПФ-5296-сон «Ўзбекистон Республикаси Марказий банкнинг фаолиятини тубдан такомиллаштириш чора-тадбирлари тўғрисида»ги Фармони ва мувофиқ, Ўзбекистон Республикаси Марказий банки Бошқаруви қарор қилади:

1. Ўзбекистон Республикаси Марказий банки Бошқарувининг 2017 йил 12 августдаги **Марказий банк раиси М. НУРМУРАТОВ**
Тошкент ш.,
2018 йил 15 декабрь,

19/2-сон қарори (рўйхат рақами 2912, 2017 йил 16 август) (Ўзбекистон Республикаси қонун ҳужжатлари тўплами, 2017 й., 33-сон, 867-модда) билан тасдиқланган Тижорат банкларига жисмоний шахслардан нақд чет эл валютасини сотиб олиш учун Марказий банк томонидан мадад пуллари бериш тартиби тўғрисидаги низомдаги иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

9/21-сон Ўзбекистон Республикаси
Марказий банки Бошқарувининг
2018 йил 15 декабрдаги
39/21-сон қарорига
ИЛОВА

Тижорат банкларига жисмоний шахслардан нақд чет эл валютасини сотиб олиш учун Марказий банк томонидан мадад пуллари бериш тартиби тўғрисидаги низомга киритилаётган ўзгартиришлар

1. 6-банднинг биринчи хатбошисидagi «Ўзбекистон Республикасида банклар томонидан пул муомаласига доир ишларни ташкил этиш тўғрисидаги йуриқномага (рўйхат рақами 1518, 2005 йил 26 октябрь)» деган сўзлар «Ўзбекистон Республикасида банклар томонидан нақд пул муомаласига доир ишларни ташкил этиш тўғрисидаги йуриқномага (рўйхат рақами 3003, 2018 йил 1 май)» деган сўзлар билан алмаштирилсин.

2. 8-банд «б» кичик бандининг иккинчи хатбошисидagi «Пул муомаласини тартибга солиш ва мониторинг бошқармаси бошлиги, Эмиссия-касса

амалиётлари бўлими (бошқармаси)» деган сўзлар «Нақд пул муомаласини ташкил этиш бошқармаси» деган сўзлар билан алмаштирилсин.

3. 18-банднинг биринчи хатбошисидagi «Эмиссия-касса операциялари бўлими (бошқармаси)га» деган сўзлар «Нақд пул муомаласини ташкил этиш бошқармасига» деган сўзлар билан алмаштирилсин.

4. 24 ва 27-бандлардаги «Пул муомаласини тартибга солиш ва мониторинг бошқармаси» деган сўзлар «Нақд пул муомаласини ташкил этиш бошқармаси» деган сўзлар билан алмаштирилсин.

ЎЗБЕКИСТОН RESPUBLIKASI МАРКАЗИЙ БАНКИ БОШҚАРУВИНИНГ ҚАРОРИ

ЮРИДИК ШАХСЛАР ТОМОНИДАН МИЛЛИЙ ВАЛЮТАДАГИ КОРПОРАТИВ БАНК КАРТАЛАРИДАН ФЙДАЛАНИШ ТАРТИБИ ТЎҒРИСИДАГИ НИЗОМГА ЎЗГАРТИРИШЛАР КИРИТИШ ҲАҚИДА

Ўзбекистон Республикаси Адлия вазирлиги томонидан 2019 йил 10 январда 1470-3-сонли рақам билан рўйхатдан ўтказилди.

Ўзбекистон Республикасининг «Ўзбекистон Республикасининг Марказий банки тўғрисида»ги Қонуни, Ўзбекистон Республикаси Президентининг 2018 йил 30 октябрдаги ПФ-5564-сон «Товар бозорларида савдони янада эркинлаштириш ва рақобатни ривожлантириш чора-тадбирлари тўғрисида»ги Фармони ва Ўзбекистон Республикаси Президентининг 2018 йил 14 майдаги ПҚ-3724-сон «Электрон тижоратни жадал ривожлантириш чора-тадбирлари тўғрисида»ги қарорига мувофиқ Ўзбекистон Республикаси Марказий банки Бошқаруви қарор қилади:

Марказий банк раиси М. НУРМУРАТОВ
Тошкент ш.,
2018 йил 15 декабрь,

39/22-сон Ўзбекистон Республикаси
Марказий банки Бошқарувининг
2018 йил 15 декабрдаги
39/22-сон қарорига
ИЛОВА

Юридик шахслар томонидан миллий валютадаги корпоратив банк карталаридан фойдаланиш тартиби тўғрисидаги низомга киритилаётган ўзгартиришлар

1. 8-банднинг иккинчи хатбошисидagi куйидаги тахрирда баён этилсин:

«Бунда, олинган тўлов терминали квантацияларининг асл нусхалари, электрон тижорат битимларидаги томонларни идентификациялаш имконини берувчи электрон чеклар, квантациялар, хабарлар ва бошқа усуллар ҳамда қонун ҳужжатларида белгиланган тегишли рекевизитларга эга бўлган бошқа ҳужжатлар юридик шахс бухгалтерияси учун ҳисобот ҳужжатлари сифатида хизмат қилади.»

2. 9-банд куйидаги тахрирда баён этилсин:

«9. Корпоратив банк картаси орқали амалга оширилган тўловлар бўйича ҳисобот ҳужжатлари сифатида тўлов терминали квантацияларининг асл нусхалари, уларга илова қилинган тегишли савдо ва хизмат кўрсатиш корхоналарининг «тўланди» муҳри куйилган тўлов ҳужжатлари, шунингдек, электрон тижорат битимлари

даги томонларни идентификациялаш имконини берувчи электрон чеклар, квантациялар, хабарлар ва бошқа усуллар, инвойс (ҳисоб-фактура) ҳамда қонун ҳужжатларида белгиланган бошқа ҳужжатлар хизмат қилади.»

3. 10-банд ўз кучини йўқотган деб топилсин.

4. Мазкур ўзгартиришлар Ўзбекистон Республикаси Молия вазирлиги, Давлат солиқ қўмитаси ва Ўзбекистон банклари ассоциацияси билан келишилган.

Молия вазири **Д. ҚУЧКАРОВ**
2018 йил 15 декабрь
Давлат солиқ қўмитаси раисининг
биринчи ўринбосари **Б. МУСАЕВ**
2018 йил 15 декабрь
Ўзбекистон банклари ассоциацияси
бош директори **Б. ХАМИДОВ**
2018 йил 15 декабрь

Ўзбекистон Республикаси Марказий банки Бошқарувининг ҚАРОРИ

ТИЖОРАТ БАНКЛАРИ КАПИТАЛИНИНГ МОНАНДЛИГИГА ҚЎЙИЛАДИГАН ТАЛАБЛАР ТЎҒРИСИДАГИ НИЗОМГА ЎЗГАРТИРИШ ВА ҚЎШИМЧАЛАР КИРИТИШ ҲАҚИДА

Ўзбекистон Республикаси Адлия вазирлиги томонидан 2018 йил 28 декабрда 2693-4-сонли рақам билан рўйхатдан ўтказилди.

Ўзбекистон Республикасининг «Ўзбекистон Республикасининг Марказий банки тўғрисида»ги ва «Банклар ва банк фаолияти тўғрисида»ги қонунларига мувофиқ, Ўзбекистон Республикаси Марказий банки Бошқаруви қарор қилади:

1. Ўзбекистон Республикаси Марказий банки Бошқарувининг 2015 йил 13 июндаги 14/3-сон қарори (рўйхат рақами 2693,

2015 йил 6 июль) (Ўзбекистон Республикаси қонун ҳужжатлари тўплами, 2015 й., 27-сон, 360-модда) билан тасдиқланган Тижорат банклари капиталининг монандлигига қўйиладиган талаблар тўғрисидаги низомга иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан бир ойдан кейин кучга киради.

Марказий банк раиси М. НУРМУРАТОВ
Тошкент ш.,
2018 йил 27 октябрь,

34/5-сон Ўзбекистон Республикаси
Марказий банки Бошқарувининг
2018 йил 27 октябрдаги
34/5-сон қарорига
ИЛОВА

Тижорат банклари капиталининг монандлигига қўйиладиган талаблар тўғрисидаги низомга киритилаётган ўзгартириш ва қўшимчалар

1. 17-банд куйидаги тахрирда баён этилсин:

«17. Банк активлари таваккалчилик даражаси бўйича V-гuruhга куйидагилар киради:»

I гуруҳ — таваккалчилик даражаси 0 фоиз;

II гуруҳ — таваккалчилик даражаси 20 фоиз;

III гуруҳ — таваккалчилик даражаси 50 фоиз;

IV гуруҳ — таваккалчилик даражаси 100 фоиз;

V гуруҳ — таваккалчилик даражаси 150 фоиз;

VI гуруҳ — таваккалчилик даражаси 200 фоиз;

VII гуруҳ — таваккалчилик даражаси 300 фоиз.»

2. 20-банднинг биринчи ва иккинчи хатбошилари куйидаги тахрирда баён этилсин:

«20. Таваккалчилик даражаси бўйича I-гuruhга куйидагилар киради:

банкда ва унинг филиалларида нақд пул кўринишида сақланаётган миллий ва чет эл валютаси (жумладан, банк омборларида ёки Ўзбекистон Республикаси Марказий банки омборларида сақланаётган тижорат банкларига тегишли олтин куймалар)».

3. 21-банднинг биринчи хатбошиси куйидаги тахрирда баён этилсин:

«21. Таваккалчилик даражаси бўйича II-гuruhга куйидагилар киради:»

4. 22-банднинг биринчи хатбошиси куйидаги тахрирда баён этилсин:

«22. Таваккалчилик даражаси бўйича III-гuruhга куйидагилар киради:».

5. 23-бандда:

биринчи ва иккинчи хатбошилар куйидаги тахрирда баён этилсин:

«23. Таваккалчилик даражаси бўйича IV гуруҳга куйидагилар киради:

банк томонидан берилган барча кредитлар, мазкур Низомнинг 20, 21, 22, 24, 241 ва 242-бандларида кўрсатилган кредитлар бундан мустасно;»

беинчи хатбоши куйидаги тахрирда баён этилсин:

«дастлабки гаров ҳуқуқи банкка тегишли бўлмаган кредитлар.».

биринчи хатбоши куйидаги тахрирда баён этилсин:

«24. Таваккалчилик даражаси бўйича V-гuruhга куйидагилар киради:»

куйидаги мазмундаги хатбошилар билан тўлдирилсин:

«аҳолига автомобиль сотиб олиш учун ажратилган кредитни қайтариш мuddатининг қолган қисми 1 йилгача ва йиллик фоиз ставкаси қайта молиялаш ставкасининг 2 баробари ва ундан юқори бўлган кредитлар;

аҳолига автомобиль сотиб олиш учун ажратилган кредитни қайтариш мuddатининг қолган қисми 1 йилдан 3 йилгача ва йиллик фоиз ставкаси қайта молиялаш ставкасининг 1,5 баробаридан 2 баробаригача бўлган кредитлар;

аҳолига автомобиль сотиб олиш учун ажратилган кредитни қайтариш мuddатининг қолган қисми 3 йил ва ундан узоқ ва йиллик фоиз ставкаси қайта молиялаш ставкасининг 1,5 баробари ва ундан паст бўлган кредитлар.»

7. Куйидаги мазмундаги 241 ва 242-бандлар билан тўлдирилсин:

«241. Таваккалчилик даражаси бўйича VI-гuruhга куйидагилар киради:

аҳолига автомобиль сотиб олиш учун ажратилган кредитни қайтариш мuddатининг қолган қисми 1 йилдан 3 йилгача ва йиллик фоиз ставкаси қайта молиялаш ставкасининг 2 баробари ва ундан юқори бўлган кредитлар;

аҳолига автомобиль сотиб олиш учун ажратилган кредитни қайтариш мuddатининг қолган қисми 3 йил ва ундан узоқ ва йиллик фоиз ставкаси қайта молиялаш ставкасининг 1,5 баробаридан юқори бўлган кредитлар.

242. Таваккалчилик даражаси бўйича VII-гuruhга автомобиль сотиб олиш учун:

юридик шахсларга ажратилган кредитнинг гаров таъминотига автомобиль қабул қилинган кредитлар;

аҳолига ажратилган кредитнинг қолдиги сотиб олинган автомобиль қийматининг 75 фоизидан ортигини ташкил этган кредитлар.».

Эл соғлиги – юрт бойлиги

Мамлакатимизда инсон омилини юксалтириб, турмуш фаровонлигини оширишга алоҳида эътибор қаратилмоқда. “Обод қишлоқ”, “Обод маҳалла”, “Тадбиркор оила”, “Yoshlar kelajagimiz” каби Давлат дастурлари замирида ҳам халққа ғамхўрлик қилишдек, эзгу мақсад мужассам.

Кейинги йилларда тиббиёт соҳасида юз бераётган ижобий ўзгаришлар ҳам халқимизни беҳад мамнун этмоқда. Президентимиз қай бир вилоятга ташрифи буюрмасин соғлиқни сақлаш муассасалари фаолияти билан танишиб, мавжуд муаммоларни бартараф қилиш юзасидан бераётган кўрсатмалари соҳа ривожига ижобий таъсир кўрсатаяпти.

Президентимиз 2018 йил 5 январда Тошкент вилоятига ташрифи чоғида ҳам соғ-



лиқни сақлаш муассасалари фаолиятига алоҳида эътибор қаратди. Жумладан, Янгийул тумани ва шаҳар аҳолисига хизмат қилаётган, 1912 йилда қурилган марказий шифохонанинг давр талабига мувофиқ жавоб бермай қолганлиги ва зудлик билан реконструкция қилиш иш-

рини бошлаш зарурлигини алоҳида таъкидлади.

Кўп ўтмай мазкур марказий шифохонада реконструкция ишлари бошланди. Давлат бюджетидан қурилиш ва мукамал таъмирлаш ишлари учун 40 млрд, сўм тиббиёт асбоб ускуналари учун 650 минг АҚШ доллари ажратил-

ди. Реконструкция ишларини “Озода” махсуслаштирилган реконструкция таъмирлаш МЧЖ жамоаси ўз зиммасига олди. Бу ишга корхонанинг 300 дан зиёд қурувчилари жалб қилинди.

— Ўтган йилнинг 1 февралдан жорий йилнинг биринчи февралгача 21 млрд 813 млн сўмлик иш бажаришга эришдик, — дейди “Озода” МЧЖ раҳбари Фулом Раҳмонов. — Марказий шифохонанинг туғруқхона, гинекология, терапия, кўз касалликлари, кардиология, неврология, жарроҳлик, СЭС бўлимлари ва оилавий поликлиника тўлиқ мукамал таъмирланди. Беморлар учун барча зарур қулайликлар яратилди. 2019 йилда шифохонанинг тери таносил, юкумли касалликлар, дезинфекция бўлимлари ва фаоллар зали, лаборатория, реабилитация маркази ҳамда умумий овқатланиш хоналарини қуриб топширишни режалаштирганмиз. Ҳозирги кунда 115 қурувчимиз шу иш билан банд.

Дарҳақиқат, Янгийул марказий шифохонасида қисқа муддатда катта ҳажмдаги қурилиш ишлари бажарилди. Бу ерда яратилган шарт-шароит ва қулайликлардан туман ва шаҳар аҳолиси беҳад мамнун.

— Шифохонамизда жуда катта ўзгаришлар бўлди, — дейди марказий шифохона бош шифокори Шоир Раҳимов. — Барча бўлимларга лифтлар ўрнатилди, ёруғлик ва иссиқлик таъминоти яхшиланди. Шаҳар ҳокими, шаҳар прокурори мунтазам равишда бажарилаётган ишларни назорат қилиб, муаммоларни бартараф қилишда амалий ёрдам берапти. Энг муҳими ўзгариш ва қулайликлардан аҳоли хурсанд.

Халқимизда: “Эл соғлиги – юрт бойлиги” деган нақл бор. Ана шу бойлиқни асраш йўлида юртимизда амалга оширилаётган эзгу ишлар эл фаровонлигини янада юксалишига хизмат қилиши аниқ.

Ўқтам АБДУЛЛАЕВ,
журналист

“BEK Cluster”нинг истиқболи порлоқ

“BEK Cluster” МЧЖ қўшма корхонаси томонидан Президент қарори асосида жами 18 минг гектар экин ер майдонларида пахта, ғалла ва бошқа турдаги қишлоқ хўжалиги экинларини етиштириш ва қайта ишлаб экспортга йўналтириш бўйича ўтган 2018 йил давомида муайян ишлар амалга оширилиши билан бир қаторда 2019-2021 йиллар учун бир қанча йирик лойиҳаларни амалга оширишни ўз олдига мақсад қилиб олди.

Корхонада 2018-2022 йилларга мўлжалланган қишлоқ хўжалиги маҳсулотларини ишлаб чиқаришни ривожлантириш Дастури қабул қилинган бўлиб, бу борада Тупроқшунослик ва агрохимё илмий тадқиқот институти ва бошқа ташкилотлар билан ҳамкорликда режалар тузилган.

Корхонага қарашли бўлган майдонлар ер балл бонитети ўртача 45 балли ташкил қилади. Шундан келиб чиқиб, тупроқ таркибида гумусни кўпайтириш ҳисобига тупроқ унумдорлигини ошириш мақсадида ўтган 2018 йилдан бошлаб ҳар йили 3 минг гектар майдонга “яшил ўғит”, яъни сидерт-боп экинларини экиш бошлаб юборилган. Хусусан, ўтган 2018 йилда корхонанинг 40,6 гектар майдонида уруғлик олиш учун Сербия республикасида келтирилган 11 хилдаги арпа, буғдой, сули, жавдэр, тритикале, рапс экинлари элита уруғчилиги лабораториясининг элита хўжалигида экилди.

Қишлоқ хўжалиги маҳсулотларини етиштиришда жалб этиладиган 1800 нафар мавсумий ишчиларнинг мавсумдан ташқари ҳам иш билан таъминлашлари ва йил бўйи даромад олишларини таъминлаш мақсадида корхона томонидан аҳолига қасаначилик, қуёنчилик, пиллачилик ва хонадонларда қалампир етиштиришлари учун шароитлар яратиб бериш кўзда тутилган. Мазкур



маҳсулотлар етиштирилгач, корхона томонидан харид қилиниб, қайта ишланади ва экспортга йўналтирилади.

Пахта ва бошқа қишлоқ хўжалиги маҳсулотларини етиштириш инновацион технологиялар асосида амалга ошириш, пахта қатор оралигини 76 X 5 см схемада экилиши ва юқори сифатли пахта етиштириш мақсадида, 100 дона 110 от кучига эга бўлган “New Holland” “TD-5” тракторлар, 4 дона “HYUNDAI” эксковаторлари, 4 дона “HYUNDAI” ковшли тракторлари, Туркия давлатидан 40 дона чигит экиш сеъялкалари, 100 дона культиваторлар ва 30 дона лазерли ер текислагичлар (планировшиклар), Россия давлатидан юқори унумли 20 дона “К-744” русумли ҳамда 16 дона “КЕЙС” пахта териш машиналари каби замонавий қишлоқ хўжалиги техникалари ва агрегатлари сотиб олинди, амалиётда синовдан ўтказилди.

Қишлоқ хўжалиги техникаларини тўлиқ компьютер бошқарувига ўтказиш ва экин ерларда қатор ораси ишловларини GPS электрон тизими аниқлигида олиб бориш учун АҚШнинг “Trimble” компанияси билан шартномалар имзоланган бўлиб, технологиянинг афзаллиги тажрибада синалмоқда.

Корхона томонидан етиштирилган пахта хомашёсини юқори сифатда жаҳон стандартлари талаблари асосида қайта ишлаш мақсадида,

Туркия давлатининг “SUMER” компанияси билан ҳамкорликда қуввати 300 тонна бўлган пахтани қайта ишлайдиган завод қуриб ишга туширилди.

Корея давлати технологияси асосида эса 100 гектар майдонга замонавий иссиқхоналар қуриш ишлари ҳам бошланган бўлиб, жорий йилда 40 гектар майдонда қурилиш ишлари якунланиб фойдаланишга топширилади. 200 гектар майдонда узумзор ҳамда 200 гектар анорзорлар яратиш бўйича ишлар бошлаб юборилган.

Қўшма корхона томонидан амалга ошириладиган аҳамиятга молик лойиҳалардан яна бири “Bek cluster” МЧЖ ҚК таркибидаги “Бек” МЧЖ ва Буюк Британиянинг “Greenhouse equipment” компанияси ҳамкорликда умумий қиймати 30,0 млн. АҚШ доллари тенг бўлган, 1500 та янги иш ўринларини ўз ичига оладиган, чекка ҳудудларни ривожлантириш бўйича ижтимоий лойиҳаси ишлаб чиқилган. Бундан мақсад чекка ҳудудларни ижтимоий ривожлантириш учун сувсиз ерлардан унумли фойдаланиш, оилаларни пудрат асосида замонавий ва кам харажат иссиқхоналарда маҳсулот етиштиришга ва бандлигини таъминлашга қаратилгандир.

Шунингдек, ишлаб чиқаришда муҳим омил ҳисобланган – маҳсулот бозорини топиш масаласига ҳам эътибор қаратилган бўлиб, бунинг учун замонавий “IT” технологиясини йўлга қўйиш бўйича “Social web solution” дастури орқали электрон савдо ёки интернет маркетингни ташкил қилиш кўзда тутилган. Ушбу дастур нафақат бизнинг корхона учун, балки бошқа тадбиркорлик субъектлари ҳам фойдаланишлари учун яратилди ҳамда ташқи ва ички бозорда маҳсулотларнинг электрон тарзда сотувини йўлга қўйишни таъминлайди.

Улуғбек СОТИБОЛДИЕВ,
“BEK Cluster” МЧЖ қўшма
корхонаси раҳбари

Қашқадарёда синтетик суюқ ёқилғи ишлаб чиқарилади

Қашқадарё вилоятида синтетик суюқ ёқилғи ишлаб чиқарадиган завод барпо этилмоқда.

Мазкур завод давлатимиз раҳбари Шавкат Мирзиёевнинг 2016 йил 29 декабрдаги “Шўртан газ-кимё комплексининг метан тозалаш базасида синтетик суюқ ёқилғи ишлаб чиқариш” инвестиция лойиҳасини амалга оширишга доир қўшимча чора-тадбирлар тўғрисида”ги қарори ижроси бўйича амалга ошириляпти.

Бунёд этиляётган янги завод табиий газга чуқур ишлов бериш орқали керосин, дизель ёқилғиси, нафта ва суюлтирилган газ ишлаб чиқаришга ихтисослашади.

Айни кунда ушбу лойиҳа учун вазни 350 ва 550 тонна бўлган иккита йирик технологик ускуна олиб келиш ишлари амалга оширилмоқда. Шу пайтгача бир неча давлат орқали мамлакатимизга олиб келинаётган йирик ўлчамли технологик ускуналар Қорақалпоғистондан Қашқадарё вилоятига етказилмоқда.



Мазкур қурилмалар заводнинг синтетик суюқликларини ишлаб чиқариш цехида қўлланилади. Йирик ҳажмда бўлган ускуналар оғирлиги 550 тонна, узунлиги 39 метр ва диаметри 6,9 метрга тенг ҳамда оғирлиги 350 тонна ва узунлиги 25 метрни ташкил этади.

Маълумот ўрнида, мамлакатимизда GTL заводининг қурилиши фаол суръатда давом этмоқда. Қурилиш майдонида 5 минг нафардан ортик ишчи, қурувчи ва муҳандис сафарбар этилган. 500 дан зиёд қурилиш ва маҳсус техника жалб қилинган.

Ҳозирги кунда мазкур GTL заводи учун дуненинг 24 мамлакатидан 129 заводда жами 11 мингдан зиёд технологик ускуналар ишлаб чиқариляпти. Улардан 116 тўпланмдан ортик юқори технологик ускуналар қурилиш майдончасига етказилган. Олиб келинган ускуналарни монтаж қилиш ва ўрнатиш ишлари амалга оширилмоқда. Бу каби яна 153 та тўпланми қурилиш майдонида олиб келиш ишлари давом этмоқда.

ЎЗА материали асосида тайёрланди.



“Туронбанк” томонидан ўтказилган акция ғолиблари тақдирланди



“Туронбанк” АТБ томонидан Президентимизнинг 2018 йил 23 мартдаги “Банк хизматлари оммабоплигини ошириш бўйича қўшимча чора-тадбирлар тўғрисида”ги қарори ижросини таъминлаш мақсадида кўплаб янгиликларга қўл урмоқда.

Жумладан, чакана банк хизматлари доирасини кенгайтириш, замонавий банк хизматларини кўрсатиш мақсадида янги филиалларни ишга тушириб, кўплаб миллий ва хорижий валютада хизмат кўрсатувчи банкоматлар ўрнатмоқда. Шунингдек, банк томонидан мижозларга янада қўлайлик яратиш, банк хизматларини автоматлаштириш ҳамда масофавий банк хизматлари қамровини кенгайтириш мақсадида “Интернет-банкнинг”, “SMS-банкнинг” ҳамда “Мобил-банкнинг” каби онлайн хизматлар ҳам жадал ривожлантирилмоқда. Бу эса тизимдан фойдаланувчилар сонини бир неча баробарга оширишга хизмат қилаётди.

Банкнинг биригина “MY TURON” мобил иловаси орқали барча турдаги бюджет, коммунал, интернет, кабел телевиденияси ва мобил алоқа учун тўловлардан ташқари, онлайн тарзда жисмоний шахсларнинг миллий валютадаги карталаридан пул маблағларини муддатли омонатларга ўтказиш, онлайн тарзда конверсия амалиётларини, банк кредитларини сўндириш каби хизматларни амалга ошириш имконияти яратилган. Банк бу каби янгиликлар қаторида яқинда яна бир ажойиб акция ташкил этди.

“Туронбанк” АТБ Россиянинг йирик халқаро пул ўтказмалари тизими “Золотая Корона” билан ҳамкорликда уч ой мобайнида банк мижозлари ўртасида “Золотая Корона билан таътил” акциясини ўтказди. Мазкур акция ғолиблари махсус дастур асосида “тасодифий танлов-лотерея” орқали аниқланди. Акция ғолибларини тақдирлаш маросими пойтахтимизнинг Wyndham меҳмонхонасида бўлиб ўтди. Унда банк раҳбарияти ва “Золотая Корона” вакил-

лари, банк мижозлари ва журналистлар иштирок этди.

— Сўнги йилларда банкимиз аҳолига кенг қўлайликлар яратиш мақсадида янгидан-янги лойиҳаларни амалга ошириб, кўплаб инновацион хизмат турларини жорий этиб келмоқда, — дейди “Туронбанк” АТБ бошқаруви раиси ўринбосари Азиз Тошев. — Мазкур акция ҳам ана шу хайрли ишларимизнинг узвий давоми бўлиб, унинг ташкил этилиши аҳоли ўртасида катта қизиқишга сабаб бўлди. Натижада банк мижозлари ва пул ўтказмаларининг сони бир неча баробарга ортди. Шу боис, бундай қизиқарли акцияларни келгусида яна давом эттириш ниятидамыз.

Тадбир давомида “Золотая Корона” вакили Анна Свалова ҳам сўзга чиқиб, “Туронбанк” билан кўп йиллик ҳамкорлик самарали ва манфаатли кечаётганини алоҳида таъкидлади. Шунингдек, у акция ғолибларига “Золотая Корона” тизимига ишонч билдириб, хизматдан фойдаланганликлари учун миннатдорчилик билдирди.

Таъкидлаш жоизки, ҳозирги кунда аҳоли Туронбанк орқали халқаро пул ўтказмалари тизимидан фойдаланганда (жўнатиш/қабул қилишда) амалиётлари хорижий ёки миллий валютада амалга ошириш имконияти яратилган. Шунингдек, ўз хоҳишига кўра пул ўтказмаларининг маълум қисмини хорижий валютада, қолган қисмини миллий валютада олишлари ҳам мумкин.

Тадбир давомида беш нафар акция ғолиблари “Apple iPhone X” уяли телефони, қимматбаҳо телевизор ҳамда асосий соврин — биринчи ўрин эгаси Европага бир ҳафталик икки кишилик саёҳат

Реклама ҳуқуқи асосида

йўлланмасини қўлга киритди, бунда тақдим этилаётган тур йўналишини ғолибнинг ўзи танлаши белгиланган.

— Ўн йилдан буён “Туронбанк”нинг Урганч филиали мижозиман, — дейди хоразмлик Абдулла Абдукаримов. — Шу йиллар мобайнида банк томонидан биз мижозлар учун кўплаб қўлайликлар яратилди. Айниқса, банкда хизмат кўрсатиш сифатининг аъло даражада эканлиги, фойзаларининг арзонлиги, ишончли ва тезкорлиги ҳар қандай кишини безъетибор қолдирмайди. Шу боис, доим хорижга пул жўнатиш ёки олиш керак бўлса, албатта “Туронбанк” хизматларидан фойдаланаман. Бугун уларнинг хизматини танлаб адашмаганимга яна бир бор амин бўлдим. Чунки акцияда биринчи ўринни қўлга киритиб, Европага саёҳат йўлланмасини қўлга киритдим. Бундан жуда мамнунман.

— Мен ҳам кўп йиллардан бери “Туронбанк”нинг Яшнобод филиали хизматидан фойдаланиб келаман, — дейди иккинчи ўрин соҳиби Озод Холиёров. — Лекин банк томонидан бизларга шундай эътибор бериб, қимматбаҳо совға берилишини кутмаган эдим. Ҳатто, улар мен билан алоқага чиқиб, акция ғолиби бўлганимни айтишганида ҳам ишонмадим. Бироқ бу ҳақиқат экан. Бугун хурсандчилигимнинг чеки йўқ. Бунинг учун албатта, банк жамоасига ўз миннатдорчилигимни билдираман.

Таъкидлаш жоизки, уч ой давомида ўтказилган мазкур акция мижозлар орасида катта қизиқиш уйғотгани рост. Мухими, бу каби тадбирлар банкка мижозлар ишончи ва оқимини оширишга муносиб ҳисса қўшади.

Банк томонидан чакана хизматларни оммалаштириш мақсадида янгидан-янги акциялар ўтказилиши режалаштирилмоқда.

Малика ПЎЛАТОВА

Янги лойиҳаларнинг “кредит супермаркети”

(Бошланиши 1-саҳифада)

— Бундай марказнинг ташкил этилишидан асосий мақсад маҳаллий тадбиркорлар ва чет эллик инвесторларнинг инвестиция фаолияти ҳамда уларнинг лойиҳаларини молиялашга кўмаклашишдан иборатдир, — дейди Инвестиция фаолиятини мувофиқлаштириш ва лойиҳаларни бошқариш маркази директори Азиз Каримов. — Марказимизда хизматлар “Ягона дарча” тамойили асосида кўрсатилиб, бизнес режалар, техник иқтисодий асослар ишлаб чиқилиб, молиялаштириш механизми ва манбаларни аниқлашда кўмаклашади.

Айтиш жоизки, “Ўзсанотқурилишбанк” бугунги кунда тадбиркорлик субъектларига 960 млн. долларлик 19 турдаги хорижий кредит линияларини таклиф қилмоқда. Жумладан, Европа Иттифоқи давлатлари, Корея, Туркия, Хитой, Россия ва бошқа давлатлардан технологик ускуна ва махсус техникалар харидини молиялаштириш, шунингдек, тадбиркорлик субъектларининг айланма маблағларини тўлдириш ва хориждан товар ҳамда хизматлар им-

портини молиялаштириш мақсадида хорижий кредит линиялари жалб қилинган. Бу марказ ана шу кредит линияларнинг тўғри йўналтирилиши ва самарали лойиҳаларнинг ҳаётга татиб чиқилишида ўз ҳиссасини қўшади.

Айни пайтда марказда ўн нафар ходим фаолият кўрсатмоқда. Ходимларнинг асосий вазифаси ҳудудларда тадбиркорлик фаолияти билан шуғулланиш истагида бўлган лойиҳа ташаббускорларини аниқлаб, уларнинг лойиҳаларини хорижий кредит линиялари ҳисобидан молиялаштиришга кўмаклашишдан иборатдир.

Марказнинг асосий вазифаларидан яна бири чет эллик инвесторларга ўзлари учун хар томонлама мақбул бўлган лойиҳаларни танлаш ва уларга тўғридан-тўғри инвестицияларни киритишга ёрдамлашидир.

— Ортингизда биз инвесторлар учун мана шундай марказлар ташкил этилаётганидан жуда ҳам мамнунмиз, — дейди “Fungshun engineering” компанияси аъзоси, хитойлик инвестор Ҳе Фенг. — Мана шу имкониятлардан фойдаланган ҳолда айни пайтда 200 та янги иш ўрнига эга “Фейма” (учар от) номли электрон

мопедлар ишлаб чиқаришга мўлжалланган 20 млн. долларлик лойиҳани амалга оширмоқдамиз. Айтиш жоизки, бу лойиҳа Қозғистон ёки Россия каби давлатларда ҳали ишга туширилмаган. Шу боис, “Фейма” Ўзбекистоннинг миллий брендига айланди, ўзбек халқига ёқшига ишонаман. Чунки мазкур мопедлардан фойдаланиш жуда қўлай — у электр қувват эвазига ҳаракатланиб, бензин ёқилгисини талаб қилмайди, шунингдек, экологик тоза автоулов ҳамдир. Лойиҳа ишга тушган йили 100 минг дона электр мопед ишлаб чиқариш кўзда тутилган. Кейинги йилдан эса экспорт учун маҳсулот ҳажминини янада ошириш режалаштирилган.

Қайд этиш керакки, Инвестиция маркази тадбиркорлар ва инвесторларга лойиҳа самарадорлигини оширишда юзага келиши мумкин бўлган муаммоларни маҳаллий ҳокимликлар, тегишли идоралар билан биргаликда ҳал этилишида ҳам кўмаклашади.


Мухтасар айтганда, ушбу марказ маҳаллий тадбиркорлар ва хорижий инвесторларга “кредит супермаркети” сифатида хизмат қилади.

Келгусида бу каби марказлар республикамизнинг бошқа ҳудудларида ҳам ташкил этилиши кўзда тутилган.

Гўзал МАЛИКОВА

Тадбиркорларга экспорт бўйича яна бир имконият

Ҳукумат қарори билан Мева-сабзавот маҳсулотларини экспорт қилиш тартиби тўғрисидаги низом тасдиқланди. Унга мувофиқ, тадбиркорлар улгуржи савдо лицензиясига эга бўлмасдан мева-сабзавот маҳсулотларини экспорт қилиш ҳуқуқига эга ҳамда уларнинг тушумларига ягона солиқ тўлови қўлланилади.



Бу ҳақида Адлия вазирлигининг “Ҳуқуқий ахборот” канали маълум қилган.

Экспорт дастлабки тўловсиз, аккредитив очмасдан, банк қоллатини расмийлаштирмасдан ҳамда контрактни суғурта полисисиз амалга оширилиши мумкин.

Экспорт қилувчилар мева-сабзавотларни кейинчалик экспорт қилиш учун жисмоний шахслардан сотиб олганда, жисмоний шахслардан олинган даромад солиғи бўйича имтиёзлар сотилган маҳсулотлар уларга ёки уларнинг оила аъзоларига ажратилган ерларда етиштирилганини тасдиқловчи ҳужжат тақдим этилмасдан қўлланилади.

Маҳсулотларни транспортда

ташишда табиий йўқолиш кузатишганида бу ҳақда тадбиркорлар Ташқи савдо операцияларининг ягона электрон ахборот тизимига маълумот киритади.

Табиий йўқолишлар бўлганида йўқолиш суммаси дебитор қарздорлик сифатида ҳисобга олинмайди.

Ташқи савдо операцияларининг ягона электрон ахборот тизимига киритилган экспорт контракти бўйича дебиторлик қарзи мавжуд тадбиркорлар автомат равишда ноҳалол экспортчилар реестрига киритилади.

Ноҳалол экспортчилар кейинги экспортини фақат 100 фоизли олдиндан тўлов шарти билан амалга оширади.

finance.uz

АҚШда банкка доир йирик битим имзоланиш арафасида

Американинг "BB&T" холдинг компанияси "SunTrust Banks Inc" компаниясини 28 млрд. долларга сотиб олиш ва уни қўшма штатлардаги олтинчи йирик кредит ташкилотига айлантириш ниятида.



Бу АҚШнинг банк секторидаги 2007-2008 йилги молиявий инқироздан кейинги энг йирик битим бўлиши кутилмоқда. Бу ҳақида "Reuters" хабар бермоқда.

Бирлашажак икки йирик компания янги ном остида ишлайди, унинг активлари тахминан 442 млрд. долларга, кредит портфели 301 млрд. долларга, депозитлари ҳажми эса 324 млрд. долларга баҳоланмоқда. Молия бозоридаги

мазкур янги ўйинчи активлари миқдори 467 млрд. долларга тенг бўлган Американинг "Bancorp" компанияси билан рақобатлашиши айтилмоқда.

Ташкилот географик жиҳатдан Шарқий қирғоқни қамраб олади. Унинг бош қароргоҳи Шимолия Каролинадаги Шарлоттада жойлашади.

Депрессия жаҳон иқтисодиётини ўлдирапти(ми?)

Жаҳон соғлиқни сақлаш ташкилоти (ЖССТ)нинг маълумотларига кўра, сайёраимизда кенг тарқалган ва юрак-қон томир, онкологик касалликларга сабаб бўлувчи касаллик бу — депрессия бўлиб, ҳисоб-китобларга кўра, айни пайтда дунёда ундан 350 миллионга яқин инсон азият чекмоқда.

Маълумотларга кўра, биргина АҚШда бу касаллик билан боғлиқ иқтисодий харажатлар йилига 200 млрд. доллардан ошади, глобал миқёсда эса трлн. доллар миқдорида йўқотишларни олиб келмоқда.

Соҳа мутахассислари депрессия руҳият билан боғлиқ касаллик бўлгани боис, бундай дардга чалинган беморлар мақсадли ақлий фаолиятни амалга оширишда қийинчиликларга дуч келиши мумкинлигини исботлашди ва XIX асрда бутун Ер юзи аҳолисининг 0,05 фоизигина депрессиядан азият чеккан

бўлса, айни пайтда дунё аҳолисининг ҳар ўн тўртинчиси мазкур дардга мубтало бўлаётганини маълум қилди.

Тадқиқотларга кўра, 1960 йилдан сўнг туғилган одамлар олдинги аждодларига қараганда кўпроқ депрессияга мойил бўлишди. Бунинг асосий сабабини олимлар ҳали аниқлашганича йўқ, Бироқ глобаллашув ва ҳаддан зиёд ахборотларнинг кўпайгани ҳам бу касаллик ривожига туртки бўлди, деган тахминлар йўқ эмас.

Касаллик жиддий бўлишига қарамай, кўпчилик дола-

нишга эътибор қаратмапти. ЖССТнинг маълумотига кўра, ҳатто юқори даромадли мамлакатлар аҳолисининг ҳам қариб ярми шифокор қабулига бормайди. Бу эса ҳар йили мана шундай иқтисодий йўқотишларга сабаб бўлаверади.

ЖССТ руҳий саломатлик учун кўпроқ инвестиция киритиш кераклигини таъкидламоқда, боиси, депрессия ва ҳавотирни даволашга сарфланган ҳар бир доллар беморлар саломатлиги яхшилангач тўрт доллар даромад келтириши ҳолмўт қилинди. Айни пайтда бутун дунё бўйича руҳий соғлиқни асраш учун давлат бюджетлари ҳисобидан атиги 3 фоиз маблағ ажратилар экан, холос. Шу боис, жаҳон иқтисодиёти ҳар йили трлн. доллар йўқотишларга учрамоқда.

Интернет материаллари асосида тайёрланди.

РЕКЛАМА

ФУҚАРОЛАРНИНГ БАНКЛАРДАГИ ОМОНАТЛАРИНИ КАФОЛАТЛАШ ФОНДИ ХАБАРИ

Фуқароларнинг банклардаги омонатларини кафолатлаш фонди Фонд реестри ҳисобида турувчи банклар рўйхатини эълон қилади.

1. Ўзбекистон Республикаси Ташқи иқтисодий фаолият миллий банки.
2. "Асака" акциядорлик тижорат банки.
3. "Ўзбекистон саноат-қурилиш банки" акциядорлик тижорат банки.
4. "Ипотека-банк" акциядорлик тижорат ипотека банки.
5. "Агробанк" акциядорлик тижорат банки.
6. "Қишлоқ қурилиш банк" акциядорлик тижорат банки.
7. "Туронбанк" акциядорлик тижорат банки.
8. "Микрокредитбанк" акциядорлик тижорат банки.
9. Чет эл капитали иштирокидаги "Савдогар" акциядорлик тижорат банки.
10. Акциядорлик тижорат "Алоқабанк".
11. "Ипак Йўли" акциядорлик инновация тижорат банки.
12. Чет эл капитали иштирокидаги "Hamkorbank" акциядорлик тижорат банки.
13. "Капиталбанк" акциядорлик тижорат банки.
14. "ASIA ALLIANCE BANK" акциядорлик тижорат банки.
15. "Ўзгрозэкспортбанк" акциядорлик тижорат банки.
16. "Пойтахт банк" акциядорлик жамияти.
17. "Трастбанк" хусусий акциядорлик банки.
18. "Туркистон" хусусий акциядорлик тижорат банки.
19. "Давр Банк" хусусий акциядорлик-тижорат банки.
20. Хусусий акциядорлик-тижорат банки "Универсал банк".
21. "Ravnaq-bank" хусусий акциядорлик-тижорат банки.
22. "Invest Finance Bank" хусусий акциядорлик тижорат банки.
23. "HI-TECH BANK" хусусий акциядорлик тижорат банки.
24. "Orient Finans" хусусий акциядорлик тижорат банки.
25. "Мадад Инвест Банк" хусусий акциядорлик тижорат банки.
26. "ҚДБ Банк Ўзбекистон" акциядорлик жамияти.
27. "Ziraat Bank Uzbekistan" акциядорлик жамияти.
28. Эрон "Содерот" банкининг Ўзбекистон Республикаси Тошкент шаҳридаги шўба банки.

"Фуқароларнинг банклардаги омонатларини ҳимоялаш кафолатлари тўғрисида"ги Ўзбекистон Республикаси Қонунига мувофиқ юқорида номлари келтирилган банклардаги фуқароларнинг омонатлари бўйича тўлиқ ҳажмида ҳақ тўлаш кафолатланади.

Хизматлар лицензияланган.

"XALQ SUGURTA" СК МЧЖ Бухгалтерия баланси

2018 йил 31 декабрь ҳолатига кўра

Рўйхат рақами: ЎзР Молия вазирлигининг 2011 йил 28 июндаги 00205-сонли лицензияси.

Юридик манзили: Тошкент ш., Яқкасарой тум., Шота Руставели кўча, 9-ўй.

Активлар	(миңг сўм)
Қолдиқ қиймат (ҚҚ)	1 000 601,9
Узоқ муддатли инвестициалар, всего	5 654 539,1
Келгуси давр харажатлари	567 211,2
Товар-моддий захиралари, жами	134 685,6
Дебиторлар, жами	429 180,9
Пул маблағлари, жами	746 875,8
Қисқа муддатли инвестициалар, жами	38 750 000,0
Баланснинг активи бўйича жами	47 283 094,5
Пассивлар	
Устав капитали	10 400 000,0
Заҳира капитали	1 261 176,4
Тақсимланмаган фойда	1 443 138,7
Суғурта захиралари	26 594 677,9
Жорий мажбуриятлар	7 584 101,5
Баланснинг пассиви бўйича жами	47 283 094,5

2018 йилда молиявий натижалар тўғрисида ҳисобот

Кўрсаткич номи	(миңг сўм)
Суғурта хизматларини кўрсатишдан соф тушум	18 465 107,3
Суғурта ялпи фойда (зарар)	8 488 754,6
Молиявий фаолият бўйича даромадлар, жами	4 211 105,6
Умумҳўжалик фаолиятининг фойдаси (зарари)	6 234 088,7
Ҳисобот даврининг соф фойдаси	5 443 138,7

«TRI-S-Audit» МЧЖ аудиторлик ташкилотининг (ЎЗР МВ томонидан берилган 06.02.2008й. даги 00561-сон лицензия, ЎЗР АВ 17.11.2003й. 891-сон билан давлат рўйхатидан ўтган) фикрига кўра, «XALQSUGURTA» МЧЖ СКнинг 2018 йил бўйича молиявий (бухгалтерия) ҳисоботи ташкилотнинг 2018 йил 31 декабрь ҳолатига молиявий аҳоли ва 2018 йил 1 январдан 31 декаригача бўлган молиявий-ҳўжалик фаолияти натижаларининг барча аҳамиятли томонларини ҳаққоний акс эттиради.

Компаниянинг 2018 йилдаги фаолияти тўғрисидаги тўлиқ маълумотлар билан www.xalqsugurta.uz сайтида танишишингиз мумкин.

Хизматлар лицензияланган.

БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ҲАМКОРЛАРИМИЗ ВА МУАССИС

Ўзбекистон Республикаси
Марказий банки

"Norma Hamkor" МЧЖ

"Moliya yangiliklari agentligi" МЧЖ

БОШ МУҲАРРИР
Ўқтам АБДУЛЛАЕВ

НАШР УЧУН МАСЪУЛ
Бобур МУҲАММАДИЕВ

Реклама ва маркетинг хизмати
Тел: 99897 776 60 18
71 232 45 32
Факс: 71 232 43 98
Нашр индекси-102.

Ахборот кўмаги
ЎЗА

Тахририят манзили:

100060. Тошкент ш., Шаҳрисабз кўчаси,
23-ўй e-mail: info@banknews.uz,
www.banknews.uz телеграм каналимиз
@bank_axborotnomasi

Чоп этишга тайёрловчи "Moliya yangiliklari agentligi" МЧЖ Газета тахририятнинг техник ускуналаридан саҳифаланди.

Тахририятнинг фақат ёзма розилиги билан "Банк ахборотномаси" да эълон қилинган материалларни қўчириб босишга ижозат берилмади. Қўлёзмалар тақриз қилинмайди ва қайтарилмайди. Газета Ўзбекистон Матбуот ва ахборот агентлиги томонидан 2012 йил 10 январда 0065-тартиб рақами билан рўйхатга олинган. Газета ҳафтада бир марта — пайшанба кўни чиқади.

Буюртма № ғ 203
Адади 2549 нусха
Нархи шартнома асосида.
Газета А3 ҳажмида, 2 шартли босма табоқда чоп этилди.
Босишга рухсат этилди: 27.02.2019 й.,
1 2 3 4 5 6

"Шарқ" нашриёт-матбаа акциядорлик компанияси босмаҳонасида чоп этилди. Корхона манзили: Тошкент ш. Буюк Турон кўчаси, 41-ўй.